

schen huden even inder eerden myt
ganser ynichheit. **D** mijn siele loue
nu die guedertiveh^t gods want hie
huden is gheboze voer my i dese sterf
liken vleysche. **I**ch benedie dy mijn
ouerste hope en dancke dy van all
minne herten wanttu een mensche
biste gheworden om my. **G**heff my
o ewighe ghesontmaker dy toe loue
myt alre ynichheit op dat ich eweli
ke myt dy mach verblijden. Amen.

Ave **Toe Marien ghebeth.**
O guedertivenste iocfer **ma**
om die grote onspetelike
vroude die du haddeste doe du den
soene gods alre eerst anseghest mit
dijne lichamliken oghen inder
tijt van dy ghebozen. den du beke
dest ghebozen toe wesen vanden
vader voer allen tijden. en dat hie
omneghedien was myt onser sterf
licheit. **D**u ledest hem inder crub